



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<23>> 10 2018թ.

Ո Ր Ո Շ ՈՒ Մ No. 3819 /03-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<Բերգ Քոնսթրաքշն>> ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<Բերգ Քոնսթրաքշն>> ՍՊԸ-ի (ՀՎՀՀ 02619174, հասցե՝ ք. Երևան, Արաբկիր թաղամաս, Բաղրամյան 3, պետական գրանցման համար՝ 273.110.772361) չկատարված հարկային պարտավորությունը <01> հոկտեմբերի 2018թ.-ի դրությամբ կազմել է 9.856.626 դրամ, որից ապառք՝ 8.282.180 դրամ, տույժ՝ 1.574.446 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <04> հոկտեմբերի 2018թ.-ին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, չի ներկայացրել վարույթի նյութերին ծանոթանալու համար և որևէ բացատրություն չի տվել, սակայն կատարել է մասնակի վճարում՝ 406.410 դրամի չափով, եկամտային հարկի գծով, 4.593.589 դրամի չափով ԱԱՀ-ի գծով:

ՀՀ ՊԵԿ իրավաբանական վարչության պետի կողմից 28.09.2018թ.-ին կայացվել է թիվ 3404/03-Ա որոշումը, համաձայն նշված վարչական վարույթի ընկերության կողմից վճարման ենթակա պարտավորության գումարը կազմում է 1.476.908 ՀՀ դրամ, որից

ԱԱՀ-ի տույժ՝ 901.713 դրամ,

Եկամտային հարկի տույժ՝ 176.296 դրամ,

Շահութահարկի տույժ՝ 314.105 դրամ,

Պետական տուրքի ապառք՝ 77.900 դրամ, տույժ՝ 6.894 դրամ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **3.379.719** դրամ, որից՝

ԱԱՀ-ի գծով պարտավորությունը կազմում է **2.476.937** դրամ, որից ապառք՝ 2.324.642 դրամ, տույժ՝ 152.295 դրամ, որն առաջացել է 2018թ.-ի օգոստոս ամսվա ԱԱՀ-ի և ակցիզային հարկի միասնական հաշվարկից և ՀՀ հարկային օրենսգրքի 401-րդ հոդվածով հաշվարկված տույժից,

Եկամտային հարկի գծով պարտավորությունը կազմում է **13.958 դրամ**, որն ամբողջությամբ տույժի գումար է և առաջացել է հարկը օրենքով սահմանված ժամկետից ուշ վճարելու արդյունքում հարկի նկատմամբ ՀՀ հարկային օրենսգրքի 401-րդ հոդվածով հաշվարկված տույժերից,

Շահութահարկի գծով պարտավորությունը կազմում է **886.896 դրամ**, որից ապառք՝ 879.639 դրամ, տույժ՝ 7.257 դրամ, որն առաջացել է 2018թ-ի 3-րդ եռամսյակի շահութահարկի կանխավճարից և ՀՀ հարկային օրենսգրքի 401-րդ հոդվածով հաշվարկված տույժից,

Պետական տուրքի գծով պարտավորությունը կազմում է **1.928 դրամ**, որն ամբողջությամբ տույժի գումար է և առաջացել է տուրքը օրենքով սահմանված ժամկետից ուշ վճարելու արդյունքում տուրքի նկատմամբ ՀՀ Պետական տուրքի մասին>> ՀՀ օրենքի 35-րդ հոդվածով հաշվարկված տույժից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն ՀՀ Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, ՀՀ հարկային ծառայության մասին>> ՀՀ օրենքի 4-րդ հոդվածի 9-րդ մասով և ՀՀ վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<Բերգ Քոնսթրաքշն>> ՍՊԸ-ից գանձել 3.379.719 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:

5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



Ա. ՄՆԱՑԱԿԱՆՅԱՆ

Ստացա որոշման օրինակը

Համապատասխան

հարկ վճարողի /կամ ֆիզ. անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ Բաժին,
գլխավոր մասնագետ
Գրիգոր Մկրտումյան
Հեռ. (0322) 7-99-95